

Акафист Пресвятей Богородице икон Ея ради, Умягчение злых сердец
и Семистрельная именуемых.

Кондак 1

Избрáнной Дéве Марíи, превы́шшей всех дщéрей землí, Матери Сýна Бóжия, Ёюже Спасíтель в мир приíде, со умиленíем взывáем: возрí на многоскóрбное житиé нáше, вспомяни́ скóрби и болéзни, яже претерпéла еси́, и сотвори́ с нáми по милосéрдию Твоему́, да зовём Ти: Рáдуйся, многоскóрбная Мáти Бóжия, печáль нáшу в рáдость претворя́ющая.

Икос 1

А́нгел возвести́ пáстырем вифлеёмским о Рождествé Спасíтеля мíра, и с ним мно́жество Вóев Небéсных восхваля́ху Бóга, пою́ще: «Слáва в вы́шних Бóгу, и на землí мир, в челове́цах благоволенíе». Ты же, о Мáти Бóжия, не имéвши где главы́ преклонíти, занé не бе мéста во обíтелех, родила́ еси́ Сýна Своего́ Пёрвенца в вертéпе, повила́ еси́ пеленáми и положи́ла еси́ Его́ во яслех. Тёмже рáдость неизречённую сёрдца Твоего́ вéдуще, вопиём Ти:

Рáдуйся, от младéнства Грядúщему Мессíи послужи́ти возжелéвшая;

ра́дуйся, чистоту́ пáче всех человек возлю́бльшая.

Рáдуйся, пречúдное Благовéстие Архáнгелом при́имшая;

ра́дуйся, Спасíтеля мíра рóждшая.

Рáдуйся, Воплотíвшася Бога словéсный Сосúде;

ра́дуйся, Царя́ Цáрствующих Престóле.

Рáдуйся, вертéп в Небесá прелóжшая;

ра́дуйся, в рождествé и по рождествé Дéва пребýвшая.

Рáдуйся, многоскóрбная Мáти Бóжия, печáль нáшу в рáдость претворя́ющая.

Кондак 2

Вíдяще Превéчнаго Младéнца повíта, лежáща во яслех, пришéдше, поклонíшася Ему́ пáстырие вифлеёмстии и глаго́лаша речénное им А́нгелы о Отрочáти. Мариáм же соблюда́ше вся глаго́лы сия, слага́ющи в сёрдцы Своём. По прошéствии же осьмí дней обрéзан бе Иисýс по закóну Моисéову я́ко Человéк. Воспева́юще смирение́ и терпéние Твоё в попечéниях о Богомладéнце Иисýсе, Пресвятáя Богорóдице, поём Всеблагóму Бóгу: Аллилу́иа.

Икос 2

Разум имуща, в Бозе утверждённый, и соблюдающая заповеди Божия, в четырёхдесятый день, егда исполнишася дние очищения, вознесоста Иисуса во Иерусалим родителя Его, еже поставити Его пред Господем и дати за Него жертву, по реченному в Законе Господни. Мы же, со благоговением о сем воспоминающе, возглашаем Богородице сице:

Радуйся, прежде рождества в Матерь Спасу предызбранная;
радуйся, благодати преисполненная.
Радуйся, Превечнаго Младенца пеленами повившая;
радуйся, Творца вселенных млеко́м пита́вшая.
Радуйся, Создателя во храм Иерусалимский принёсшая;
радуйся, тамо старцем Симеоном радостно сретенная.
Радуйся, вся глаголы Божия в сердцах Своём слагавшая;
радуйся, горькому пророчеству о страданиях Сына Твоего кратко
внемлющая.

Радуйся, многоскорбная Мати Божия, печаль нашу в радость претворяющая.

Кондак 3

Силою свыше укрепляема была еси, Мати Божия, слышаши словеса праведнаго Симеона: «Се, лежит Сей на падение и на востание многим во Израили, и в знамение пререкаемо, и Тебе же Самой душу пройдёт оружие, яко да открыются от многих сердец помышления». Скорбь велия уязви сердце Пресвятыя Богородицы, обаче благодатию Божественною осеняема, возопи Богу: Аллилуиа.

Икос 3

Имея злобу лютую в сердцах своём, тщася Ирод погубити Отроча, и посла избити вся младенцы, сущия в Вифлееме и пределех его, от двою лету и ниже. Обаче велением Божиим, Ангелом во сне возвещанным, поят Иосиф Отроча и Матерь Его ноцию и бежа во Египет, и пребысть тамо до смерти Иродовы. Сия многотрудная странствия, ради Богомладенца подъятая, воспоминающе, со умилением воспоём Ти, Пресвятая Богородице:

Радуйся, тяготы путешествия дальняго терпеливно понёсшая;
радуйся, идола, сокрушися силою Сына Твоего, зревшая.
Радуйся, посреде нечестивых язычник жити не убоявшаяся;
радуйся, велением Божиим в Назарет с Сыном и Обручником
возвращаяся.

Радуйся, в нищете и трудех, благодарящи Бога, пребывавшая;

радуйся, Пресладкаго Богомладенца во объятиих носившая.

Радуйся, предивная дела Божественнаго Сына вину созерцавшая;

радуйся, таинственным глаголом Его прилежно внимавшая.

Радуйся, многоскорбная Мати Божия, печаль нашу в радость претворяющая.

Кондак 4

Буря скорби одержа Пречистую Матерь со Обручником, егда на пути от Иерусалима не обретоша во дружине Отрока Иисуса. Возвратившаяся же во Иерусалим, по трех днех обретоша Его в церкви, сидяща посреде учителей, послушающая и вопрошающая их, и рече к Немю Мати Его: «Чудо, что сотвори нама тако? Се отец Твой и аз, боляща, искахома Тебе». И рече к нима Иисус: «Что яко искаста Мене? Не веста ли, яко в тех, яже Отца Моего, достоин быти Ми?» Ты же, Пречистая, дивящися глаголом Сына Своего, соблюдаше сия в сердца Своем, вопиющи Богу: Аллилуиа.

Икос 4

Слышаша людие, яко Господь Иисус проходит страну Галилейскую, уча на сонмищих, проповедуя Евангелие Царствия и исцеляя всяк недуг и всякую язю в людех. Сего ради приведоша к Немю вся болящия различными недуги и бесы одержимыя, и исцели их. Ты же, Мати Божия, Симеоново проречение воспоминаючи, разумела еси, яко скоро приидет час, егда Сын Твой Себе в Жертву за грехи мира принесет. Темже ублажаем Тя сице:

Радуйся, Царице Небесе и земли;

радуйся Таинственная духовная Скиние.

Радуйся, Себе в чистую жертву Богу принесшая;

радуйся, Херувим Честнейшая и Серафим славнейшая.

Радуйся, мир от потопа греховнаго спасающая;

радуйся, главу древняго змия стершая.

Радуйся, Единая Чистая и Благословенная в женах;

радуйся, благодати Духа Святаго Избранный Сосуде.

Радуйся, многоскорбная Мати Божия, печаль нашу в радость претворяющая.

Кондак 5

Бог Сый Истинен и Человек Совершен, обличаше Иисус гордость фарисеев, мневших себе праведники быти. Тыя же, слышаще притчи Его, разумеша, яко о них глаголет, и искаша яти Его, обаче бояшася

народа, понеже яко Пророка Его имяху. Сию злѡбу богоубійственную вѣдуци, болѣзноваше Богородица о Сыне Своѣм возлюбленном, да не како лютии вразѣ убійот Его. Обаче, Богу, Таинство спасѣния нашего содевающему, с надеждею взываше: Аллилуиа.

Икос 5

Видевше воскрешѣние Лазарево, идѡша неции от иудѣй к фарисѣом и повѣдаша, яже сотвори Иисус. Рече же Каиафа, архиерей сый лѣту тому, в фарисейстем сонмищи: «Уне есть нам, да един Человек умрет за люди, а не весь язык погибнет». И от сего дне совещаша, да убійот Его. Иуда же Искаріотский, един от обоюнадесяте, иде ко архиерѣом, предати хотя Учителя своего; онѣ же, слышавше, возрадовашася и обещаша ему сребренники дати. Сему беззаконному совету ужасающася, вопіем Пречистой, Сыну Своему спстрадавшей:

Радуйся, крест скорбей велиих понесшая;

радуйся, воли Божия николиже преслушавшая.

Радуйся, смиренія Божественнаго чудный Образе;

радуйся, терпенія Премудрая Наставнице.

Радуйся, земныя сладости и веселія не возлюбльшая;

радуйся, Небеснаго блаженства паче Ангел и человек исполненная.

Радуйся, в молитве помощь вину обретавшая;

радуйся, вся ны взывати к Богу в скорби научившая.

Радуйся, многоскорбная Мати Божия, печаль нашу в радость претворяющая.

Кондак 6

Проповѣдником Слова, Божественным учеником на Тайней Вѣчери умыи Учитель нозе, образ спасительнаго смиренія показуя. Являя же любовь Свою к роду человеческому, благословив и преломив хлеб, даде им, рек: «Приимите, ядите, сие есть Тѣло Моѣ», и, прием чашу и хвалу воздав, даде им, глаголя: «Сия есть Кровь Моя Новаго Завета, яже за многія изливаемая во оставление грехов». Благодаряще Милостиваго Бога за милосердіе Его к нам неизреченное, в Таинстве Божественныя Евхарістии являемое, поем Ему: Аллилуиа.

Икос 6

Возсия благодать и Истина учеником, егда возвести им Христос: «Ныне прославися Сын Человеческий, и Бог прославися о Нем». Внемлюще сим словесам Божественным и Домостроительству

спасения нашего дивящися, Тебѣ, Пречистой Матери Спасителя нашего возглашаем:

Радуйся, Отца Небеснаго Дщи благословенная;
радуйся, Чертоже Слова всесвятый.
Радуйся, Духа Святаго Вместилище;
радуйся, Святыя Троицы Обителе.
Радуйся, Бисер Божественный произведшая;
радуйся, Рождеством Твоим райския двѣри отверзшая.
Радуйся, знаменія милости Божия Собою являющая;
радуйся, от тины греховныя нас спасающая.

Радуйся, многоскорбная Мати Божия, печаль нашу в радость претворяющая.

Кондак 7

«Желанием возжелех сию пасху ясти с вами, прежде даже не приму мук», - глагола Христос учеником. Утверждая же их заповеди Его хранить, обеща послати иного Утешителя – Духа Истины, Иже от Отца исходит, да наставит их на всяку истину. Егда же в день Святыя Пятидесятницы исполни Дух Святыи Пречистую Богородицу и апостолы, открышася им вся глаголанная от Господа, и возгласиша ти: Аллилуиа.

Икос 7

Новую заповедь даде Спаситель учеником Своим: «Да любите друг друга: якоже возлюбих вы, да и вы любите себе. О сем разумют вси, яко Мои ученицы есте, аще любовь имате между собою». Ты же, о Мати Господня, паче всех человек глаголом Сына Твоего внимавшая и с любовью твоя хранившая, милосердие неисчерпаемое к роду человеческому имаши, вину о нас пред Господом ходатайствуеши, друг друга любить повелеваеши и сердца наша злая умягчаеши. Сего ради поем Ти:

Радуйся, братолюбия Наставнице;
радуйся, враждующих Умирение.
Радуйся, бесчинных Обличительнице;
радуйся, обидимых Утешительнице.
Радуйся, гонимых Защищение;
радуйся, всех скорбящих Радосте.
Радуйся, утоление всех печалей;
радуйся, непрестанно за ны молящаяся.

Рáдуйся, многоскóрбная Мáти Бóжия, печáль нáшу в рáдость претворяющая.

Кондак 8

Стрáнствия Влады́чния и Бессмёртныя Трапéзы причастившиися, изыдо́ша ученицы́ со Учителем на гору Елеонскую. Прииде же тамо Иуда со спíрой и слуги́ архиерейскими, лобзанием преда́я Сына Человеческаго. Тии я́ша Иису́са и связа́ша Его́, и ведо́ша ко А́нне пёрвее, посём же к Каиа́фе архиерёви и в прето́р к Пилáту, глаголюще Его́ злоде́я бы́ти. Мáтерь же Бóжия, смёртнаго сове́та на Сы́на Своего́ возлю́бленнаго ожида́ющи, о́баче со смире́нием вся сия́ приёмлющи, вопия́ше Бо́гу: Аллилу́иа.

Икос 8

Весь бе рáнами уязвен, Сло́ве Бóжий, егда́ во́ини ругáхуся Тебе́, уже́ стра́шное бичева́ние претерпéвшему, и сплётше венéц от те́рния, возложи́ша на главú Твою́, и в ри́зу багря́ну облёкше Тя, глаго́лаху: «Рáдуйся, Царю́ Иудейский», и бия́ху Тя по ланито́ма. Иудеи́, я́ко зве́рие дивии, вопия́ху Пилáту: «Распни́ Его́!» Мы же Мáтери Бóжией, би́ения и поноше́ния Сы́на Своего́ ви́девшей и горце́ страда́вшей, умíльно взывáем:

Рáдуйся, Сы́на Своего́ возлю́бленнаго на суди́ще преда́ннаго зрévшая;

ра́дуйся, беззако́нный суд злочестивых су́дей слы́шавшая.

Рáдуйся, всем боле́знем Возлю́бленнаго Ча́да спострада́вшая;

ра́дуйся, зрeние нестерпимое страстéй Его́ претерпéвшая.

Рáдуйся, близ Сы́на и Бо́га стра́ждущаго вьну́ пребывáвшая;

ра́дуйся, рáны, багряни́цу и венéц терно́вен Нося́щаго ви́девшая.

Рáдуйся, ропота́ ника́коже допустившая;

ра́дуйся, Искуплéния челове́ков соверше́ние уразумева́вшая.

Рáдуйся, многоскóрбная Мáти Бóжия, печáль нáшу в рáдость претворяющая.

Кондак 9

Вси ро́ди блажа́т Тя, Честне́йшую Херувим и Сла́внейшую без сравне́ния Серафим, Влады́чицу и Мáтерь Избáвителя нáшего, рождество́м Свои́м рáдость все́му ми́ру принéсшую, последи́ же скорбь вéлию имéвшую, ви́дящи Сы́на Своего́ возлю́бленнаго на поругáние, би́ение и смерть преда́ннаго. Мы же умилéнное пéние принóсим Ти, Пречы́стая, вопию́ще Всемо́гущему Бо́гу: Аллилу́иа.

Икос 9

Ветии многовещаннии Таинства спасительнаго Крестнаго разумети не мѡгут. Крест бо нося, възиде Господь на Голгофу, идеже воины пропяша Его. Богоматерь же, видевши Сына Своего безславна, нага на древе, возопи: «Увы Мне, Чадо Моё, увы Мне, свете Мой, душу пройде Мне оружье по речению праведнаго Симеона». Иисус же, видев Матерь и ученика, егоже любляше, глагола Матери Своей: «Жено, се сын Твой»; потом глагола ученику: «Се Мати твоя». Сего ради взываем Ти, человеки вся о Господе в сыновство приявшей:

Радуйся, при Кресте Распятаго неотступно предстоявшая;
радуйся, оставленнаго всеми Сына и Господа не оставльшая.
Радуйся, горце сердцем болезновавшая;
радуйся, стенания и слезы теплыя источавшая.
Радуйся, Агнца, за человеки закланнаго, Мати;
радуйся, Страданий Спасителя Сопричастнице.
Радуйся, всякою язвою с Ним уязвлявшаяся;
радуйся, в муках горьких на Бога уповавшая.

Радуйся, многоскорбная Мати Божия, печаль нашу в радость претворяющая.

Кондак 10

Спасти хотя род человеческий, восшел еси на Крест, Иисусе Спасе наш. Чистая же Дева, плачущи, глаголаше: «Сыне Мой и Боже Предвечный, Творче всех творей, Господи! Како терпиши на Кресте страсть? О страшнем Твоем Рождестве и страннем, Сыне Мой, паче всех матерей возвеличена бых аз, но увы Мне: ныне Тя видяци на Древе, распалаюся утробю». Прославляюще милосердие Отца Небеснаго, Иже тако возлюбил мир, яко Сына Своего Единороднаго отдаде на крестную смерть, да искупит ны от вечныя смерти, вопием Ему: Аллилуиа.

Икос 10

Стена и ограждение буди нам, Владычице, изнемогающим в скорбех и болезнях, Ты бо лютейшую паче всех болезней претерпела еси, Сына Своего на Кресте умерша зряци и стняяци: «Се, Свет Мой сладкий, надежда и живот Мой благий, Бог Мой, угасе на Кресте», и просила еси Благообразнаго: «Потщися, Иосифе, к Пилату приступити и проси его сняти с Древа Учителя твоего». Мы же, со благоговением величию терпения Твоего внемлюще, состраждем Ти и вопием:

Радуйся, Света Своего сладкаго нага и уязвенна Мертвеца зрешая;

ра́дуйся, ме́ртва и бездыха́нна Преблага́го Го́спода ви́девшая.

Ра́дуйся, те́ло Сы́на Твоего́ возлю́бленного лобыза́вшая;

ра́дуйся, плащаницею Обвита́го рыда́вшая.

Ра́дуйся, Сы́на Своего́ Гробо́у преда́вшая;

ра́дуйся, вся я́же на земли́ ско́рбная претерпе́вшая.

Ра́дуйся, стра́ждущих Благода́тная Уте́шительнице;

ра́дуйся, та́йну Крестна́го пути́ нам открыва́ющая.

Ра́дуйся, многоско́рбная Ма́ти Бо́жия, печа́ль на́шу в ра́дость претворя́ющая.

Кондак 11

Пе́ние всеумиле́нное Тебе́, Спаси́телю ми́ра, прино́сим, на Кресте́ дух испусти́вшему и согреше́ний на́ших рукописа́ние растерза́вшему. Пречи́стей же Ма́тери в та́йне Ты провещáл еси: «О ка́ко утайла́ся Тебе́ есть бе́здна щедро́т? Тварь бо Мою́ хотя́ спасти́ изво́лих умре́ти. Но и воскресе́ну, и Тебе́ возвели́чу, яко Бог Небесе́ и земли́». Богоро́дица же рече́: «Воспою́ милосе́рдие Твое́, Человеколю́бче, покланя́юся бога́тству ми́лости Твоея́, Влады́ко. Созда́ние бо Твое́ хотя́ спасти́, смерть подъя́л еси́, но Воскресе́нием Твои́м, Спа́се, поми́луй всех нас», вопию́щих Тебе́: Аллилу́иа.

Икос 11

Светоно́сный Арха́нгел: «Ра́дуйся! – па́ки возвести́ Тебе, Де́во. – Твой Сын воскресе́ тридне́вен от Гроба́ и ме́ртвья воздви́гнувый!» И печа́ль Твоя́ в ра́дость ве́лию преложи́ся. Ны́не же ико́на Твоя́, Семистре́льная имену́емая, страда́ния Твоя́ изобража́ющая, возвеща́ет нам Та́инство Креста́, в нёмже благода́тная ра́дость сокрове́нна есть, и я́мже вси ка́ющия Воскресе́ние сретáют и на Небеса́ восхо́дят, Пресвяте́й Богоро́дице зову́ще:

Ра́дуйся, Живоно́снаго Гробо́а отлучи́тися не восхоте́вшая;

ра́дуйся, пре́жде всех Воскресе́шаго сретившая.

Ра́дуйся, ра́дости неизрече́нная испо́лненная;

ра́дуйся, мно́гажды Яв́ившагося ви́дети сподо́бившаяся.

Ра́дуйся, во блаже́нстве неизрече́нном с Сы́ном Твои́м и Бо́гом пребыва́ющая;

ра́дуйся, погиба́ющих греше́тников спаса́ющая.

Ра́дуйся, ка́ющихся Милосе́рдная Предста́тельница;

ра́дуйся, сирот Небе́сная Ма́ти.

Ра́дуйся, многоско́рбная Ма́ти Бо́жия, печа́ль на́шу в ра́дость претворя́ющая.

Кондак 12

Благода́ть пода́ждь нам, Пресвята́я Богоро́дице, честны́я ико́ны Тво́я почита́ющим! С о́браза бо не́коего дре́вняго списа́ся ико́на Тво́я, Семистре́льная имену́емая, на не́йже седмию́ стрелы, се́рдце Твоё уязвля́ющими, глублина́ страда́ния Твоёго́ изобрази́ся. Оба́че нераде́ния ра́ди служи́телей Твои́х, небреже́на и попира́ема ходя́щими на колоко́льне в ве́си То́шенской в Во́логодских преде́лах бе сия́. Егда́ же не́кий раб Бо́жий лю́те стражда́, открове́ния о целёбней благода́ти о́браза сегó сподо́бися, па́ки обрете́на и во хра́ме святе́м возло́жена бы́сть, да вси ве́рнии возглася́т Бо́гу: Аллилу́иа.

Икос 12

Пою́ще со умиле́нием моле́бное пе́ние Тебе́, Ма́ти Бо́жия, обнесо́ста о́крест гра́да лю́дие во́логодстии о́браз Твой, чудотворе́ния исполне́нный, егда́, мо́ром лю́тым премно́зии умира́ху. А́бие мор преста́, вси же ве́рнии, благода́ряще Тя, но́вый спи́сок Семистре́льнаго о́браза списа́ша, и́же та́кожде чудесы́ мно́гими просла́вися. О сем ра́дующеся, зове́м Ти:

Ра́дуйся, пречу́дными ико́нами в ми́ре чудотворя́щая;
ра́дуйся, всем прося́щим благода́ть изоби́льно излива́ющая.

Ра́дуйся, вдов неоскудева́ющая Пита́тельница;
ра́дуйся, благоде́яний Живоно́сный Исто́чнице.

Ра́дуйся, врачми́ оста́вленных Целите́льнице;
ра́дуйся, правя́щих и ца́рствующих Всеца́рице.

Ра́дуйся, мона́шествующих Пречи́стая Наста́внице;
ра́дуйся, се́рдцу сокруше́нному отра́ду пода́ющая.

Ра́дуйся, многоско́рбная Ма́ти Бо́жия, печа́ль на́шу в ра́дость претворя́ющая.

Кондак 13

О́ Всепе́тая Ма́ти, скорбь и боле́знь неизрече́нную у Креста́ Сы́на Твоёго́ и Бо́га претерпе́вшая, и в ра́дости неизглаго́ланней Воскресе́шаго сре́тившая! Внемли́ воздыха́нием и слеза́м на́шим, умягчи́ сердца́ воста́ющих на нас, изба́ви от скорбе́й, боле́зней и ве́чныя сме́рти всех упова́ющих на неизрече́нное Твоё́ милосе́рдие и вопию́щих Бо́гу: Аллилу́иа.

Молитва.

О́ многоско́рбная Ма́ти Бо́жия, превы́шшая всех дще́рей земли́ по чистоте́ Твоё́й и по мно́жеству страда́ний, Тобо́ю на земли́

пренесённых! Приими многоболёзненная воздыхания наша и сохрани нас под кровом Твоея милости. Инаго бо прибежища и теплаго предстательства, разве Тебе, не ве́мы, но, яко дерзновение имущи ко Иже от Тебе Рождённому, помози и спаси ны молитвами Твоими, да непреткновенно достигнем Царствия Небеснаго, идеже со всеми святыми будем воспевати хвалу в Троице Славимому Богу, всегда, ныне и присно, и во веки веков. **А**минь.